

劫

餘

詩

選

劫餘詩選卷三

婺源 齊學裘 子治

哭二弟子弓

先子年六十箕弟懸弧始今年兄六十箕弟三十歲九
齡弟失怙十五弟失恃三四五六弟年幼無知識有妹
年十六讀書頗識字十年婚嫁畢家漸中落矣筮仕爲
家貧納粟爲小吏斯時兄寓吳弟從陽羨至兄弟聚一
堂三年同姜被弟讀兄剪燈兄游弟隨履奉差弟行役
思弟兄不寐羽書馳晝夜烽火迷天地軍器遞皖南葑
門防奸細鋤莠以安良寬猛能兼濟無何大營潰制府

劫餘詩選 卷三

一

先逃避西寇長驅來蘇城等閒棄兄時陷城中弟帶勇
出隊一木那能支溷城入單騎委守東南門宿夜勤防
備冒雨立嚴城戴星觀賊壘盤查上章程積勞成疾痺
王事敢告勞臣身久憊悴去春兄出坎寄佳魚灣

市寄詩十一章懷弟淚滿紙鱗鴻互往還見弟在書裏

幾欲尋弟去江中盜賊熾正擬明年春一棹泊江汜風

雨再聯床相對聽蕭瑟前日復寄書丁寧養身理詎知

仲冬初一病竟不起訃見友人書

金文謨寄施竹賈書中道及小梅病故

上並無時日聞之心如醉傳豈非其真音胡不兄寄想

可傷也哉弟病多時能無念兄意弟有妻與孥兼有一寡姊

汪氏妹夫

子俱亡二弟
供養在滬
兵戈正擾攘飄流在羈旅一家兩孤孀何

人可依倚欲歸陽羨山陽羨賊如蟻欲歸梅源山

祖居婺源

梅源山下梅源隔千里兄久歎無家依壻住東海壻家亦大

難人多厨無米兄欲奔滬城憑棺一出涕提携貌諸孤

安排坏土瘞妙手歎空空此志何能遂兄老且多病子

幼不堪使旦夕望訃音俾知何日死爲弟賦招魂歸來

與兄語兄欲營齋奠無奈兄貧囊向空焚晚詩聊表兄

心緒地下見嚴慈代兄先奉侍泉路何茫茫一逝知何

許相見永無期思之淚如雨三弟陷蘇城六弟不知處

五弟客儀徵樓船溝上次四弟在荆溪山中營薪水弟

死皆不知憑誰寄雙鯉嗚呼真可哀流離都失所兄哭
弟豈知弟死兄未覩拭淚作長詩用紀弟出處要令當
世人知弟死 王事卹典倘波及庶不負辛苦嗚呼
弟勿憂老兄猶在世江南賊速平爲弟妥安置已矣勿
復言家運至於此壯者已如斯老者大可揣願結再生
緣世世爲兄弟

壬戌十二月二十五日余六十生辰于壻漢卿以
江上繪達摩一輩浮江圖爲壽作詩三首酬之
卽以題畫

一輩浮江到九年面壁深達摩纔出手慧可得安心洗

髓成根器易筋傳少林回頭都是岸好對畫圖吟

誰解西來意我今成夢婆詩禪開世界酒國定風波侍

尙勞天女游當從達摩行雲本無著一輩却嫌多

果證阿羅漢城來乾闥婆

阿羅漢果回頭證乾闥婆城行脚來漢卿自撰第三波羅

蜜航楹帖句也屬余書之

君如舍利弗我奉阿彌陀拍手笑不已著

身花轉多未能除結習於意竟云何

再題一輩慈雲圖

般若波羅密慈雲萬古尊流行真自在至道本無言波
浪兼天湧年華逐日奔此中非定力何以得長存

壬戌除夕遣懷四章用漢卿雪中謁富都護感懷

原韻

在天富貴不須籌
花自開兮水自流
好飲有心干酒令
苦吟無法縱詩囚
喜歡由我能安命
煩惱因人強出頭
識得人生貴知足
卧雖地上亦忘憂

衫上酒痕猶未乾
又持秃筆上騷壇
雪陰除日渾如夢

辛巳除日雪先大夫用東坡聚星堂韻
春到人間已不
作雪詩命裴和之先大夫復作詩示裴
是歲除日距立春
浪跡塵中徒自苦
忘情太上本來

難頭顱顧此那堪想
琴劍飄零豈忍看

餘生何以了閒身
甥館頻年作食賓
馬齒徒加更始歲
豬肝仍累宦游人
歲時伏臘驚駒隙
旦夕安危仗虎臣

鋤耨安良天下治奈何蘭蕙困荆榛

要同開士說無生粉碎虛空撒手行
島佛祭詩遵舊例
坡仙守歲樂承平脩蛇入穴尾難掣
落木當風葉自鳴
竟夕燈前兒女笑天涯兩度慰吾情

癸亥元旦試筆四章用沈西海原韻

人生逾舊歲逾新又度塵寰六一春
天霽雲開騰瑞氣
風和日暖獻良辰
拜年有例爭投刺
進酒無家不降神
好笑老夫無箇事
閉門高卧息閒身

遑遑蜨夢醒
莊周喜見雲行與
水流四海澄清開泰運
萬方黎庶慶咸休
椒觴父老歡顏會
爆竹兒童得意秋

止止吉祥室生白何須門上挂羊頭

漫說微塵一刹那含舖鼓腹且高歌無中生有有非有
水上興波波復波寶鏡光明留寂照坦途平直自無頗
年年歲歲長如砥行客往來歡樂多

天空海濶任逍遙況有良朋慰寂寥除夕倡酬歸昨夢
新年吟詠起正朝桃符懸戶憑驅鬼花筆登壇羨奪標
繞屋寒梅香入妙他時鼎鼐有人調

社中英俊不乏調羹之人故預頌之

高茶庵

望曾

和余六十述懷四章作七古一章寄

之

月湖袖出花箋紅茶庵途窮詩逾工是何意態雄且傑

立馬吳山第一峰身經九死一生地吐氣依舊如長虹
武林仙眷化爲烽隻身北渡成飄蓬崇州訪友棲古寺
春夢一場醒曉鐘目覩衆生無數膏鋒鏑要求我佛快
現蓮華千萬重盡救衆生登極樂免遭蠻觸爲沙蟲機
槍不識幾時掃搔首問天天夢夢上下四旁空復空惟
見散花天女來相從本無人我衆生壽者相但招劉伶
阮藉和盧仝飲酒此心如游龍喫茶兩腋生清風茶酒
釀胸多歲月化出文字光怪驚天公不慕屈宋與班馬
自寫抑塞磊落之心胸流離不作窮途哭出宰當留壽
世功觀音變化無不可現身說法何神通我亦粉碎虛

空一居士歷劫千百顏猶童刀兵水火不能損毫髮信
我佛力彌蒼穹賊尙無能爲之厄天亦何忍爲之窮鴻
毛早擲酒杯外龍氣長騰劍匣中君來江北我海東避
地仍得傳詩筒君家癡叔去世久謂小故交一念心猶
忡天空海濶居自在壬子癸亥將毋同壬子立秋日余
招茶庵王魏庵
飲於吳門幽蘭巷天空海
濶之居距今已十年矣海市蜃樓本幻境他鄉故國
皆孤篷蜉蝣天地不一瞬浮雲富貴茫無蹤爾我尙插
塵中脚雨萍何日重相逢呂四倘游訪白鶴魚灣乘興
停花驄詩社諸君盡翹首騷壇飛將來折衝

高茶庵復寄余詩次韻答之

去秋聞君來時當九月九思君不得見踟躕頻搔首流
離困苦中難忘昔年友烽火到西湖湖山失深秀避地
游崇川灰心隱巖竇彌勒暫同龕宇宙納甕牖天道不
須論且傾酒一斗靜觀天地心勿看上下手少陵出賊
中逢人顏便厚我輩賊中來傍花兼隨柳辛苦一般嘗
榮枯忘懷久氣客名亦賓所貴學無負茶庵詩云浮名
豈足戀盛氣何
可負不如走空山日偕麋鹿走采
芝訪神仙君能從我否故及之快現宰官身莫向空
山走忠孝作神仙達夫知也否

再用前韻寄茶庵

君少工詩文孟六兼歐九十年不見君一別難聚首去

歲遇竹庵

程竹庵

竹庵君好友歎君陷賊中失却廬山秀

那知真面目出難能不寶客心正孤迥紅袖當窗牖女

蘿依松栢慕君才八斗醫推三折肱詩成八叉手後生

原可畏君更得天厚幸勿身著花母忘肘生柳及早圖

鵬程六月息已久家國兩遺艱何以釋重負高歌神鬼

泣醉筆龍蛇走盡從我游乎清明能待否

余時與月湖子良共訂重

游狼山之約開茶庵有呂四吳陵之行故并問之

癸亥花朝前一日彭笛舟邀同沈西海丁月湖高

茶庵周硯甫馬子良飲於彭家莊笛舟出紙索

詩茶庵口占七絕二首次韻和之

老顛顛興破空來滿耳簫聲憶鳳臺想爲漁郎今又到
桃花相約一齊開

塵海升沈總聽他酒酣拔劍且高歌神仙富貴都無味
願老桃源安樂窩

漁灣漁唱

漁家傲春最好負暄捫蝨翻破襖興來鼓棹入桃花飲
酒不醉不還家家是浮家宅泛宅瀟湖漁隱歸不得

余別

號瀟湖漁隱
瀟湖在陽羨

漁家傲夏更好舉網得魚魚已老柳邊薄暮追涼風漁
婦抱兒眠短篷山歌水調唱不歇那識人間有離別

漁家傲秋正好一竿在手一家飽蘆花如雪飛上頭漁
翁到老不知愁秋水長天看一色不問江南與江北
漁家傲冬亦好風雪嚴寒偎稻草孤舟蓑笠釣寒江喜
得鯉魚尺半長無求勝在三公上我本漁翁習漁唱

題高茶庵空江釣影圖

獨立對空江貞魂杳何處一片水無情祇見潮來去

題周維盲垂釣圖

投竿行樂耳志豈在金鱗楊柳絲絲雨桃花片片春谿
山領風月掌握出絲綸我亦一漁者尋源失故津

題沈詠樓撫琴圖

我亦有琴琴亦撫三年前已化爲烽而今但識琴中趣
不意成連畫裏逢

撫琴不難難在和六氣含來意自多好笑昌黎門外漢
置腸冰炭豈琴歌

古人論退之聽穎師彈琴歌佳則佳矣惜乎不是詠琴是詠琵琶信然

崇川徐雨車

滿

詩翁和余六十述懷詩復寄二律

次韻和之

紅點殘花綠點苔崇州高士寄詩來放懷天地機先息
嘯傲雲山派別開海島松濤聲自遠風亭鶴唳警猶猜
頗聞此老如仙健好看滄瀛上石臺

小隱從無車馬喧幽居城市卽仙源庚辰編集傳千古

甲子來年是上元同樂昇平歌

帝力相逢笑語作

春溫請君準備游山具攜手登臨共一樽

送王亦帆廣文回浙尋親從戎

滿眼皆鋒鏑君胡事遠行尋親天地格殺賊鬼神驚浩劫吾同歷奇才詎敢爭安能居鬱鬱有筆快從征

往事休回首前程大且寬甯爲黃鵠舉肯作老龍蟠自有兵符在何須劍鉞彈眼中人老矣揮淚送江干

去秋黃菊發與子始談詩因結漁灣社同傾玳瑁卮驚

筵服雄辨罵座笑顛癡

余號老顛又號癡伯

從此江湖隔何時慰

我思

天涯存瘦沈

西海時
病喘

相對語行藏促膝時三歎回頭夢

一場啁啾悲燕雀馳騁羨龍驤得意無他望音書寄數

行

癸亥三月十七日崇州舟次遇故人劉泖生

履芳

主政賦此留別

意想所不到崇州見泖生相逢如隔世話舊倍傷情身
入邯鄲夢詞傳江海聲江南春已杳愁絕庾蘭成
老輩晨星散吾儕鬢亦霜我曾遭劫火君忽換戎裝磨
盾書生擅軒渠酒客狂明朝又離別成鼓斷人腸

癸亥三月十七日舟泊崇州保芾庭

召棠

邀同丁

月湖馬子良訪古檜河東保秉均家賦詩紀之
古檜如蒼龍崇州保氏宅紆盤蔭半庭體備松與栢中
空裂四枝質堅同金石榦皆左紐文頗類老君植伸臂
如拏雲低首似迎客雲破逗斜陽繪影上東壁畫師豈
乏人寫真恐難得楚柳逐烟空吳楓何處覓汝踞狼山
隅千年避鋒鏑當此亂離時猶存太古色不有神護持
何能逃兵革人生數十秋彈指鬢髮白汝生不計年枝
葉青莫易壽難與汝爭德難奪汝席汝能空汝心而不
爲形役所以歷年多枝枝插天碧吾儕心能空不爲憂
患迫外盛由中充便可登仙籍奈何今之人榮枯一朝

夕見汝心暗傷題詩傳汝德借汝壽吾詩雪泥留鴻迹
雁翅正婆娑鴻飛忘南北

崇州太陽殿前古纓絡松歌

吾鄉黃山三十有六峰三十六峰都是松獅子林前松
破石文殊臺下松卧龍前山松迎後松送更有蒲團松
典重松身不滿三尺高松枝數丈聯無縫蟠龍丈人雲
台巔偃僂屈曲不知年題詩繪圖集好事刻意摹擬終
難傳我來崇川訪古樹纓絡松名今最著年比丈人遜
一籌體校蒲團更多趣出地三尺圓如瓶中分兩榦縱
且橫枝如大蓋撐天碧葉似長眉垂地青徘徊松下不

能去如在蔚藍天上住歸途風送一聲鐘回首雲深不知處

白衣庵望海樓

萬事不到眼此樓猶喜登蓬萊那可卽弱水總難乘遍地風雲捲兼天波浪與餘生渺一粟海若笑顛僧

準提庵讓一著亭

想能退一步海闊與天空某能讓一著人已意和同贏欣敗亦喜胸次春融融於此可見道長嘯來天風

屐石

山頭一頑石天然如隻屐可是達摩遺謝公見應喜

準提庵贈詩僧芥舟

出語妙天下禪宗好賦詩
山中花月助筆底風雲馳
余亦能高詠不無危苦辭
敲推逢島佛風雅是吾師

不有空門在如何度此生
閒雲無滯迹野鶴有清聲
與我安心竟從師撒手行
江風緣底事慣作不平鳴

江南烽火熾遙望不勝哀
火宅誰能出牛車孰肯推
大江向東去妙諦悟西來
十二法輪轉寸心如死灰

文字非真諦精修入上乘
祇知生是患休問客何能
石爲談禪坐樓因望海
登名山自千古身世總難憑

贈保芾庭明經

幸有名山在相將汗漫游登臨悲宇宙笑傲寄滄洲
慙一藤杖坐溫幾石頭山雲與江月那解杞人憂

寄懷錢

青

子蓮崇州

春風啜茗繫遐思好友同酬漱玉詩

王素真女史號漱玉

佳日每

憐駒隙瞥此君常抱虎頭癡平生知己劍三尺微笑示
人花一枝如此多情如此病人間何藥可能醫

我亦年年患病狂感時懽事著詞章飄蕭白髮三千丈
游戲金釵十二行佳客來談明老眼好詩吟詠解愁腸
與君各有名山在先約秋高上紫琅

癸亥夏五月望日大風同師筠張君都天廟渡江

到焦山得詩二律

浪湧如山未足驚，世途凶險更難行。
興高天地難爲阻，命薄江潭自覺輕。
一輩忻同良友渡，雙峰宛似故人迎。
回頭便是波羅蜜，漸滙菰蒲作雨聲。

倏忽松寥別十年，山中猿鶴笑華顛。
須藏芥子羨僧樂，

訪詩僧大須芥航。
頭訝焦公輸我堅，
賊入山斫焦先石像頭損其半我陷

蘇城賊以石擊余，
腦腦尙無恙。
老筠笑謂亂後無從詢，

余曰焦公頭不及君頭之堅，
故戲及之。
石佛先大夫梅麓府君曾送唐石佛八人，
間何處覓坡

仙流民羣聚汙泉，
石料得山靈亦茫然。

同老筠焦山散步

飯罷伊蒲出寺門
禪堂鐘鼓報黃昏
名山有分緣非淺
古佛無言道自尊
江月岫雲爭媚客
竹籬茅舍竟成村
流民住山甚衆
明朝早起君須記
閣上東昇看海暈

同老筠宿焦山禪房

明朝事有明朝在
無負今宵一睡酣
夢繞山前復山後
身忘江北與江南
逢人時作衡枚馬
遺世輕於脫繭蠶
共宿仙巖非易易
休言佳處結茅庵

贈焦山詩僧芥航

昔與偕公游我時
尙年少談禪鬪機鋒
登臨發狂叫詩成
正有道得意掀髯笑
先子送石佛茶農圖
繪妙先夫送

唐石佛入焦山置海西庵借庵僧張茶農解元給闡微
詩林少穆文忠張芥航河帥程春海祭酒諸名公皆有
題詠先大夫作歌紀事命裴和詩借庵亦題一律裴皆
勒石擬送焦山庚申之變賊陷蘇城賊將石塔作友來
卷門兩壁同時諸名公題詩相照耀小子亦有詠刻石公同
調石未焦山送賊已蘇臺燎所幸拓本存焦山獨留照
可否石入山亂後誰能料今來訪芥公雙峰同登眺山
路尙堪尋流民真可弔昔日精廬中今皆聞鬼嘯何必
感滄桑快把來船掉揮手謝詩僧他時約游釣石存送
入山繪圖留仙嶠石上證三生山靈莫予誚

題芥航上人守鶴圖

鶴去千年銘不朽師來守鶴鶴鳥有人言守鶴卽守山

名山終古無孱顏借曰守鶴卽守法法本無無守何業
若云守鶴卽守心覓心不得空沈吟嗚呼噫嘻我知矣
師圖守鶴亦偶耳游戲神通示衆生披圖放出大光明
千鶴萬鶴飛且鳴聞師一喝寂無聲我欲乘鶴游太清
問師借鶴師不謾浪破萬里長風乘

贈雪航上人

飢來喫飯困來眠寄跡名山了宿緣餘地種蕉書有紙
揚州騎鶴夢如烟師曾蜀岡開講堂亂後住焦山喜開甕牖憑烏几懶
結茅庵號綠天上人書我亦前身僧一箇輸公忝透指頭

禪

喜晤几谷上人

昔聞几谷名好讀几谷畫欲見几谷難几谷勞心挂焦
山尋舊游詩僧訪老芥飯罷縱清談客懷今始快老衲
似鶴癯相見同一拜云是几谷師覲面輒驚怪歷劫尙
未死繪事那能懈太華山久焚衣食仗畫賣出家累更
多米鹽難了債弟子衡峰僧遭難聞甚憊吳明寶積寺
不知完與壞日落鐘磬動未了家常話何暇論六法流
離悲世界門外不平鳴風濤起滂湃

同老筠訪自然庵返魂梅不見感作

自然庵裏曾三宿今日重來屋半分借問老梅無恙否

僧雛笑答久無聞

庵爲夷商
僦居其半

陽羨儲少瞻吾故人西屏之再姪也聞余游焦山

從衆山放棹來訪話舊鳴咽招游衆山作詩贈

之

少瞻故人子相見在焦山握手如夢寐喜極涕淚潛舊

交半爲鬼怪事心膽寒忠孝不苟生罵賊氣節完

吾友
徐迂

伯罵賊泚溪上被殺面如生真
偉丈夫也爲吾儕生色多矣

善人竟無後天道太忍

殘

西屏幼孫被賊
街散不知所在

君母在琴川兵亂尋固難且待奏凱

歌道路盤查覓兒在母自存母存兒始安勿以千金軀

輕投虎狼關邀我游衆山石室頻往還江北到江南一

笑破愁顏贈我杖頭錢送我立江干他日如相訪期君

賣魚灣

余時寄住石港于增漢卿家

別老筠

名山游已畢送我返崇川風月情如佛烟霞思若仙窮
途增氣色好夢又團圓揮手無他屬新詩寄數篇

劫餘詩選卷四

婺源 齊學裘 子治

喜晤畢芸圃大令

芬 仙女廟

把臂渾疑夢燈前話舊游兩家親眷屬同聚古邗溝
與芸圃爲兒女親家而芸圃胞叔香田又余姪壻故并及之 劫火君休問詩詞我尙搜
惟期凱歌奏擇地築菟裘

家世付流水頭銜署大夫艱難籌守禦辛苦老馳驅
磨盾書尤細當烽膽更癡秋風起天末何暇憶蓴鱸

喜晤五弟樸齋

吳陵一握手悲喜來交并百戰勞戎馬千金散友朋流

離傷骨肉慷慨擲功名

弟在李營屢得戰功保舉游府引身而退疑往巾江大營當差

努力勤王事江南正用兵

兄老全無用攜兒寄壻鄉生涯留畫筆事業付詩囊
酒心猶戀名山夢未忘孤舟任飄兀何必問行藏

喜晤姪孫又東石莊

竹嶺見又東把臂不勝喜樂官而服賈亦各行其志世
亂正茫茫不知伊胡底奔走在宦途風塵更多鄙縱得
一閒官於世有何濟何如作陶朱成名傳三徙五湖快
其游一舸載西子知我在窮途贈我錢與米恐後見面
難索我書數紙我欲習治生苦無點石指孤舟西復東

兀兀渾如醉倚馬試萬言不及一杯水持此以向人東
風射馬耳我輩生此時徒生實可耻既無黃石術又乏
白圭技妙手笑空空浮雲滯天際那及屠沽兒揚眉而
吐氣不受毛錐愚又東眞賢智

雉臯雨香庵喜晤舍姪琴舫

去年九月魚灣上尊酒論文慰我心今日雉臯重握手
藕花香裏據樓吟

王仙溪

承恩

大令同舟往竹嶺

龍游河裏盪扁舟雉水蟻山結勝游回憶蘇臺歌舞地
可憐化作一飛鷗

游戲塵寰六十春紅顏白髮正鮮新如何侍硯纔三夕
忍把空床付玉人

君新納寵寄住魚灣三日後遂有雉臯竹嶺之役故并及之

王君魯生

復

題先君梅花居士第二圖遺照感不

去心次韻奉和卽以持贈

君本吳人生於魯巖巖氣象誰能攀放懷詩酒機先息
虹霓吞吐忘飢寒生平學儒不學佛長慕詩人歌伐檀
徐穉厲志食其力龍門著作藏名山甫也諸侯老賓客
花辰月夕酣華筵詩成懷古壓元白老去思鄉還故關
前年吳下接文讌晤言彼美思漚營轉瞬蘇臺走麋鹿
勞燕分飛魂黯黯圖書金石付一炬負像出城笑仰天

罵賊不死亦偶耳

君詩云令子平生有奇氣罵賊不死全其天負圖出走鬼神護賊壘夜過

襄陽

崇州何幸同乘船人言是翁何嬰鏢外慕絕少神

長完題圖三及梅花照

余有真詞圖鑑禪圖君皆題詩

老樹著花秀可

餐開函捧讀感以泣天風浩浩海漫漫情真語摯詩自

好梅花之白非人間因圖得詩詩得夢

君詩云宵來觸念憶鄉國夢中

猶跨吟

恍見醉墨存顏垣夢裏不知兵燹事吟魂依舊

憑歸轡小子厯劫徒負像全家都寄浮雲端殺賊著書

兩不就金丹鼎內何時還承平同歸香雪海飽飲玉女

悠悠泉

虎邱悠悠泉陽羨玉女泉

題李心畬太守遺像

有序

梁溪李君諱福培字心畬吾故人也君蚤歲舉於鄉困於春官出爲從化令有政聲咸豐三年廣東賊竊起犯縣境君迎擊殺賊百餘人四年三月復密捕賊目謝亞清等誅之遂不敢犯從化然是時賊勢張甚已薄廣州城矣君請大府以兵二千守花縣之石角及從化之太平場以保二縣兼斷賊糧道不報七月賊果至突入北門君出募鄉民數千與戰而勝城得復九月賊又至敗之於蔴村良口等堡先後斬馘八百有奇乃賊來益衆攻城甚急君堅守七晝夜外無

援兵自知必死俄報東門陷君與其弟性培及
典史趙君應端登學宮尊經閣將自盡而賊已
至閣下君取石擊賊傷數人賊乃縱火焚閣同
時遇害者十有二人蓋九月二十七日也其後
有過尊經閣故址者見血影在地如人狀遂圍
以石闢題曰忠蹟昭然是像爲其孤鎮衡追慕
出示徵詩余曩與君有舊知君頗深敬題三律
以志欣慕云

陽羨與君別經今近卅年音容猶可想忠蹟已昭然碧
血陰晴現丹心日月懸披圖見遺像老淚灑江邊

殺賊賊屢退請兵兵不援孤城無雀鼠短袖有乾坤守
土盡如此滔天何足論可憐肉食者祇解望風奔
一上尊經閣難存從化城焚身得不死報國恥偷生就
義攜僚佐成仁共弟兄千秋青史上殉節有聯名

題風雨同舟圖

有序

此圖作於辛酉之冬持蓋兀坐者爲黃子湘簑
笠手篙者于漢卿立岸上而招手者宗湘文三
子重遇海陵感深往事乃有此圖

由來李鄴本同舟利涉大川誇壯游風雨破空來不已
嘯歌依舊起中流

岸上何人舉手招東坡笠屐足逍遙蘆汀儘可將舟泊
且避魚龍作浪驕

三君本是作舟身

黃子淵于漢卿宗淵丈

雨打風摧總出塵幾度

披圖仰天笑蓬蒿中竟有斯人

老我蘆中未了窮飽嘗雨雨更風風一篙憐爾難拋手

浪駭濤驚西復東

塔鄉三歲避烽烟拋却米家書畫船

余遭難渡江寄住漢卿甥館館在道

州石要借圖中舟一葉遍游海上訪成連

扁舟鶴夢醒何時風雨羅浮合又離留待他年作佳話

畫中翁婿互題詩

是日漢卿題先大夫梅花居士第二圖遺照長古一章絕佳

秋興用宗湘文源瀚司馬三十自述韻

勘破閻浮老此身眼中人半劫中人會驚洛下耆英散
誰識廬山面目眞海國風光猶未改蘭亭勝迹已成陳
洲前蘆荻花如雪添得盈頭白髮新

停琴待月月來遲又過穿鍼乞巧時隙逝奔駒難暫繫
命纏磨蝸聽專司樹枯尙有能鳴葉蠶老甯無未盡絲
宗懋長風人共慕阿儂祇解賦新詞

拜月

閨中忽見月華臨獨下階來白素心露冷花容情脉脉
風吹裙帶拜深深輕言暗把團圓祝低首渾忘更漏沈

如此良宵如此寂人間天上總難禁

癸亥十月初七日沈君西海別我之金沙設帳洪

錫蕃家賦詩六章送之

老友晨星少惟君在眼中黃花工媚客白髮感飄蓬
筵席終須散音書尙可通形離心自合聚別總相同

去秋同詠菊吟社結魚灣卷軸琳瑯積天涯客思刪交
情窮更篤良會老尤慳分手休拋淚詩筒好往還

世事何堪說生民大可哀揶揄逢鬼物

庚申之變蘇城失守余陷賊中

七閱月百折不死掃蕩仗羣才皓首還遭劫丹心自不灰劇憐

冰與雪著意壓寒梅

劫餘詩選

卷四

老去身仍客家山同一望苑裴寄西席

西海謂余曰予之處館如營苑

裴可慨

衣食傍東牀

余避難石港寄食漢卿子壻寓館三歲矣

亂世一何窄

知心那肯忘萍蹤尙難測何必說滄桑

君夫得安適我留將若何離愁徒鬱結旅況更蹉跎疑

義憑誰析枯筇獨自拖經行眠食地能不憶東坡

久欲江南去誰甘鬱鬱居祗緣禪有蝨

江南賊未全退不是金

無魚排悶邀僧話消閒課子書行藏何足問渺渺正愁

余

贈張秋田

以成

茂才

魚鴻同避地相見恨何遲白下縈君夢江南繫我思田

廬歎寥落骨肉痛流離一事真堪羨承歡有四兒

邗左李承白茂才

宣樹

過訪魚灣長歌奉贈

二十四橋明月明畫船夜泊聞簫聲勝友如雲來滿座

吳姬壓酒杯同傾游湖快泛青雀舫遠眺流連蜀岡上

尋幽怕過玉鉤斜美人黃土增惆悵楊柳桃花索我詩

騷人羽客爭酬唱當時惜未與君逢不到揚州星一終

三月烟花空入夢萬家樓閣化爲烽亂離何處尋詩虎

謂符南樵孝廉

飄泊無由問酒龍

謂李驥白茂才

邇來不作揚州夢二

分明月憑誰送魚灣避地已三年朝夕相從惟二仲

謂

月湖陳筱山

天憐老朽太清寥鶴背仙人不費招相逢禪室

皆前定攜手登臨聽海潮讀君佳什不勝喜清怨如聽

玉人簫竹西歌吹恍盈耳彷彿邗上逢南樵

君詩絕似
苻南樵

詎知詩境劫不到勝地易壞詩難凋田園荒蕪何足數
大筆直能扶風雨流離困厄賦北征千秋知有杜工部
同聲相應氣相求抵掌高談銷我憂倡予和汝樂莫樂
豈羨人間萬戶侯昨宵大雪今宵月天助詩人興清越
歲云暮矣客言歸離愁頓逐征帆發

十一月十七日李君承白招飲魚灣酒店醉後作

歌奉贈

天有酒星地酒泉人有酒仙李青蓮青蓮遭際世少比

名花傾國逞詞妍，氣壓權貴筆驚天。
醉來常向酒家眠。君豈青蓮之苗裔，
飲酒長如鯨吸川。酒氣噴出如雲煙，
散爲妙句人間傳。年逾三十不稱意，
湖海飄泊成飛鳶。適游魚鰲逢老顛，
滿天風雪言便便。天寒歲暮人迹絕，
惟有老衲來隨肩。肩公能詩亦解飲，
時承白下捐肩雲禪室。好客憐才深結緣，
不知勢利知詞源。拈花一笑玄中玄，
嗟予久客社友散。栖遲天際同孤雲，
豈知行到水窮處。忽地又逢花柳村，
彈琴欣得子期聽。相馬應空冀北羣，
論詩聊借酒一尊。寒歲頓令回陽春，
金陵酒肆今何存。送別詩自留乾坤

硯還歌

有序

同治二年癸亥十一月下澣于壻漢卿舟泊吳
陵偶於市上見一端溪水歸洞風字式硯旁有
款識云天空海濶之居詩畫硯玉谿道兄屬題
戊申七夕焦隱山人書廿四字知爲余故物以
青蚨三千買以歸余向余曰硯還故主矣不可
無詩以紀之因作此歌

漢卿帆指吳陵揚市上購硯歸魚莊見余大笑誇勝事
洞天一品還襄陽摩挲審視置座右我髮加白硯猶蒼
眞硯不壞語非妄眞手不損何能當憶昔珍藏硯數十

此硯用之年最長硯材本出水歸洞如玉溫潤珠光芒
蕉隱山人題款識叶筴鐵筆鏤硯旁戊申歲隔一十六
變遷幾度經滄桑庚申之變吳門陷同厯浩劫遭紅羊
圖書鐘鼎齊散失此時此硯誰收藏曾攜二硯出虎口
一係陳迦陵湖海樓著書硯騷壇旗鼓魚灣張偶書擘
一係先大夫常用端溪硯磚窠思此硯故物久已如鸞翔豈知硯忽從天降恍如舊
友來登堂堂是逆旅身過客硯依過客歸何鄉硯歸原
主緣未了主人得硯歡非常轉思硯我皆空相存固非
存亡非亡古書陳迹尙糟粕世間寶物同粃糠睥睨天
地有何物烟雲過眼空茫茫造化小兒太狡獪暗中侮

弄誠荒唐若非老顛戒定慧幾被冰炭置我腸視乎視
乎爾不幸主人老矣十指僵辛苦賊中來到此對爾翻
令余心傷不如他去擇主事蓄道德者能文章墨雲布
雨蒼生潤爾之功業傳無疆今歸寒儒成底事東塗西
抹徒空忙我歌硯豈知我意鶚眼有淚含汪汪硯不能
言我代答別來無恙詩盈囊自離書案忽四歲何期仍
得供文房不逢君家坦腹客天涯淪落知何方爨桐柯
竹縱得遇壁返珠還安可望凡物有聚必有散世實危
脆無牢強維有因緣已深結地老天荒終不忘當今
聖德邁萬古鵬梟遠去來鳳凰舞階干羽苗已格流言

管蔡身早戕蘇臺不見走麋鹿白門那許容豺狼渠魁
指顧報殲厥陽羨田園堪闕荒從此隨君賦歸去梅花
老屋重占祥天空海濶詩自在硯亦不味隨靈光

魚灣書懷四章卽用張君秋田原韻

幾曲魚灣別有天依然戶誦與家絃驚心浩劫三更夢
過眼繁華一抹烟北海客愁魚貫斷西樓人羨雁行連
官軍已報收諸郡多少蒼生解倒懸

客燕呢喃西復東舊巢消息幾時通頻年棲幕原非計
昔日銜泥枉費功月照空梁縈夢蝶春傳驛使望青驄
玉樓金谷人何在從此桃花獨自紅

現在光陰一瞥過隔江風鶴屢傳訛年衰詩律何能細
歲暮鄉愁更覺多乘興酒乾吞海月書懷箋盡翦江波
何當秦望山中去棲止長松師鳥窠

先人田宅在宜興念及詒謀痛不勝見說雙溪去蛟虎
何無一字到親朋銅官玉女三年別丙舍松楸百感增
來歲春風賦歸去龍池重看曉雲升

紀事述懷用于壻漢卿聞官軍收蘇州八首原韻

癸亥十二月初十日作

放眼乾坤總繫情茫茫何日計歸程淮西平賊新傳檄
吳下論功正用兵上將旌旗黃歇浦旅人魂夢闔閭城

殲魁便可銷金甲相國由來重勸耕

謂曾相國

杜陵辛苦賊中來回首風塵信可哀
病客魂飛柳生肘殃魚氣慘若穿
顙寇來如入無人境事去猶思拯世才
四郡一州天下賦可憐俄頃化為灰

誰滅欃槍致太平中唐李邵令風行

謂曾相國李少保

幸因緒

算增軍實欲息鋤耨散客兵浩浩平沙洲自沒

九泚洲七里洲

我兵乘大蕭蕭回紇馬長鳴

滬上夷兵同守

顏公當製中興頌

絕大文章海內驚

奇兵制勝豈須多見說前途賊倒戈要識天心方厭亂
蕩平海國不揚波先籌善後安邊策再聽康衢擊壤歌

鼓腹優游忘

帝力碧翁應許老巖阿

虎阜龍山憶舊游風華如夢使人愁
泉經烽火長鳴咽石厯刀兵不點頭
七十二峯青未了百千萬劫恨難收
知幾誰似鷗夷子勇退五湖當急流

六朝金粉早時焚虎踞龍蟠未掃氛
徧野狼獾滋蔓草

句容溧水一帶皆無人烟徧師旗鼓壓城雲
蘭陵尚未收復雲

陽古驛營三窟時賊羣聚丹京口樓船冠一軍
馮軍門守鎮江

祗要將軍同大樹立功何必讀邱墳

聞道錢唐妖祲侵嘉湖消息尙難尋
孤臣遺恨騰讒口

謂王羣盜乘危啟霸心伍相祠前餘白馬
岳王墳畔賸中丞

烏金西湖詞客今存幾令我長懷感慨深

海濱避地念春暉

先大夫梅麓府君春暉堂老屋猶在宜興城中

甥館流連吾

願非白下萼風猶有待江南杏雨漫思歸豬肝徒累心

常愧馬鬣虧封愁更闌

先妣余太恭人墳在建平茅從薄石柱久折未修心甚馳念

此昇平登壽域扶搖九萬看鵬飛

調漢卿

寄懷沈西海金沙

見說書齋好心安硯亦安童蒙占養正世事不相干梅

鶴千秋在巢壺四海寬借他盈尺地放下一蒲團

蘇臺麋鹿散陽羨虎蛟除來歲杏花發辭君歸敝廬交

情江不隔別意柳將舒他日西湖復相期共跨驢

甲子二月上澣題乞我圖爲余樂舟作

樂舟手持乞我圖向我索題乞我歌我時乞人刻金石
閣筆一瞥十載過今來魚鱗入避地衣食乞人喚奈何
故巢烽火尙未息園遊鹿豕田生波驕旅無歸日復日
回思萬事皆蹉跎客來海上遺尺素開函捧讀涕滂沱
故人圖畫兩無恙而我竟成春夢婆一談乞我心如擣
我不早乞因遭魔君能乞我樂莫樂故吾今我無偏頗
世態炎涼我態一人情希少我情多乞人種種爲人厭
乞我般般由我羅我乞我心心自運我乞我口口自哦
我乞我足足自走我乞我手手自摩功名富貴與田宅

乞我卽得豈有他題君圖畫三歎息乞人乞我殊曰科
我今乞人思乞我醉夢顛倒迷南柯相逢他日在何許
還君詩債君無呵

遣懷

飄然天地一沙鷗底事難忘杞國憂世味嘗如食雞肋
生涯斷送爛羊頭百年幻夢何曾覺千里家山付卧游
且住爲佳姑妄聽故園心早繫扁舟

同治三年六月十七日曾相國

國藩曾中丞

國荃

克復江甯生擒渠賊李秀成洪仁達紅旗報捷
作詩八章以志大喜

第一能寬

聖主憂江南全局已齊收生擒青面鎗

氛祲捷報紅旗出石頭幸得龍驤收王氣依然虎踞鎮
江流回思大盜真無賴計竊金陵十二秋

承平日久鮮知兵迴首烽烟骨尙驚狂寇橫江來采石

將軍無策誤蒼生陸機祇解爲文賦何遜焉能掌武營

痛絕孤忠張與向

向軍門榮張
總統國梁

江淮保障敗垂成

兵潰丹陽不可支人亡事去欲何爲

謂張
總統

銅官玉女那

堪問

余家
陽羨

越水吳山盡可悲杜老詩歌泣神鬼蘭成塗

炭慨公私天心究竟仁慈甚留得京江濟我師

不是馮劉守鎮申

馮軍門梓材守鎮江
劉方伯師齊守申江

江南那得卽安

民根能無損終生草齒不傷寒賴有唇覆彼千窠蜂遂
散焚其三窟免難蹤剿除僞竊巢須搗相國先籌妙入
神

師進臺城六月中飛沙走石助天風虎頭燕頤操神算
蟻穴蛙梁直掃空不許降幡出建業祇留卧佛在封崇
封崇寺
有卧佛從茲黎庶安環堵豈數當年武惠功

由來擒賊要擒王剿撫兼施策最長去歲南豐歌解散
曾相國會作解散
歌榜示脅從諸賊今時
北闕賀交章光天化日妖

魔絕甘雨和風草木香正值上元新甲子年豐人樂慰

吾皇

鷺洲疇昔屢停橈來去時乘早晚潮帆影江聲題小閣
王竹嶼都轉江聲帆影閣在
白鷺洲繪圖徵詩余題一律吳歌楚舞醉深宵秦淮風
月應無恙白下耆英不可招疏雨騎驢何日再可憐白
髮也蕭蕭

虎口餘生一夢過居然猶見定干戈文章無分留天地
身世終當出坎軻罵賊得生神或佑墜樓不死命多磨
灰中之變余陷蘇城罵賊屢矣賊推余墮樓下手足不
損復以石指余腦腦骨不碎古人云死生有命信然
而今好作歸家計二水三山奏凱歌

劫餘詩選卷五

葵源 齊學裘 子冶

題觀海圖爲祝

國鑄

連舫孝廉作

前年觀海狼山巔感時慨事吟長篇去年觀海焦山上
雙眸苦被烽煙障今年觀海在何方尺幅萬里歎望洋
中有居士坐海旁神完氣足鬚未霜天風浪浪山蒼蒼
靜觀自得心清涼波濤不興平如鏡蛟蜃遁跡魚龍藏
是何神力乃至此不可思議誰能詳人言觀海難爲水
海若觀人究何似觀海觀人且莫論澄清四海堪稱尊
還君圖畫渡江去回首揚州月二分

九月十二日焦山訪芥航開士於定慧寺方丈作

詩贈之

世味嘗來百不甘看山猶似虎耽耽
生還人比投林鳥主講僧如處繭
蠶蓮社乞公寬酒戒禪堂容我借
詩參紅塵事業他時了來與吾師共
住庵

甲子九月十二日遊焦山喜晤吳平齋

雲

觀察歌

以贈之

去夏載畫來焦山尋君不過回魚灣
興盡竟成山陰訪寶氣空出米家船
今秋打槳過江去重遊焦山不期遇
廬山面目未改眞笑余病眼重籠霧
五年下見鬢毛蒼

吾儕無劫不紅羊生存相對互相慶名山名士談收藏
萬事不如一杯酒烟雲過眼亦何有好物由來難久留
無翼而飛不脛走金石刻畫臣能爲那管長繩曳倒碑
先志已成兒願了餘生無事合吟詩亂後故人秋葉飛
相逢那得不依依蓮社重開留一席看爾登壇張鼓旗

焦山喜晤許蔭庭

樾身

太守

許子豪邁人多才復多技習射穿楊葉爲文證秋水酒
酣耳熱時慷慨談世事高歌泣鬼神睥笑憐狐媚每因
兒女情數下英雄淚晨昏奉庭闈避地居呂四時作有
方遊一舸載西子與君初識面雉臯逢水次爲訪荀仲

因幸未失交臂

辛酉四月訪荀仲於如皋因與兄訂交

索題烈女傳嘔心

百餘字

題兄繼室朱孝烈女傳五絕八章

盛饌兼女樂潤筆勝精婢飲

高會爲

長筵終有散一別忽四歲荀仲已云亡思之猶

出涕鱗鴻互往還各道相思味頃聞吾壻言

于漢卿知君

脩淨業苦海渡慈航煩惱伐利器斬得葛藤斷來游極

樂世明鏡常高懸寂照澈表裏情盡熱亦消風光而月

霽煩惱從何生具茲大智慧向之豪邁心一變乃至此

此君真大雄實不可思議初聞已欣慕今見大歡喜同

坐蝸牛廬相對論心理仰見月如鏡俯視江如砥江平

與月明心體如如是風吹江不平風息波卽止雲來月

不明雲去光如洗風雲有起滅江月無終始解脫根塵
淨靈光不昧矣所以貴聞道朝聞夕可死先覺覺後覺
一覺叅天地無外並無疆大久不可擬凡立德功言皆
靈光所被奈何人有心舍之何意思久放不知求草木
甘同萎不捺卽不存禽獸有何異夢幻了一生死人徒
有氣人爲萬物靈三才鼎足峙問其所以然賴有此心
耳有而不自有豈非自暴棄更有盜賊心害人專利已
此輩更可哀不顧地獄墜言罷引我行得得隨杖履直
上大觀臺一覽空無際來證居士心法門眞不二江去
不復回月來如有意放出大光明歸途示居士

九月十九日戴埠馬墩橋省先大夫梅麓公墓
五年魂夢繞松楸今日兒歸心更愁邱隴荒烟封馬鬣
墓門蔓草過人頭久經兵亂事千變幸得完全土一抔
麥飯村醪三獻罷無窮感慨淚難收

二十一日到大墩山省先祖妣俞太恭人墓被賊
侵掘到茅灣省先妣余太恭人墓亦被賊侵痛
心慘目不可言狀細拾遺骸負還馬墩橋盛以
大甕埋於先大夫墓田上下題碑祭奠詩以當
哭云

千山萬水到墳前白骨零星散草邊兩穴同侵驚此日

重慈遭劫恨終天脫離火宅超三乘收拾遺骸葬一田
地下庭闈欣奉事無災無禍永團圓

山行卽目

千村萬落盡枯體雞犬無聲一望秋不見炊烟出林木
祇餘野豕墾田疇負薪人出形如鬼乞食兒啼聲似猴
慘目傷心一至此何殊地獄逐層游

十月下澣吳門北街寓中與三弟小麓五弟樸齋
小酌時汪氏妹二弟媳姪功炎姪女瑞萸皆在
室同舟口占一律

干戈平定到金閭骨肉相逢喜異常破屋四間燈一盞

家人七口酒三觴嚴城處處鳴宵柝永夜沉沉宿野航
今日團圓來日散聚時何短別何長

送石刻入焦山歌

有序

同治三年甲子十一月初七日吳門搜得石刻
大士東坡二像先大夫梅麓公送唐石佛入焦
山圖帖焦山倡和詩帖載入焦山定慧寺交芥
航長老收藏歌以紀之

姑蘇臺上麋鹿走萬家樓閣化烏有斷碑殘碣散晨星
半段河濱半井右我從江北返吳門搜求墨刻當亂後
頽垣中邊獲二三破竈周圍收八九側聞大雅李笙魚

廣羅石刻愛忘醜詢之果得石十一璧返珠還感良友
觀音寶相居然存東坡小像仍无咎焦山圖與倡和詩
神龍見尾不見首送入焦山定慧寺付與天龍神鬼守
他年定有印心人補刻斷缺遇好手全帖幸早焦山藏
摹勒須從芥公取憶昔先君購石佛海西庵裏藏之久
我來尋佛佛無蹤庵門幾度成空扣石佛顯晦自有時
何時復得出塵垢大士慈悲救衆生坡老文光射牛斗
先子詩歌繼大蘇藏之名山傳不朽寄語山靈好護持
來從劫灰事非偶詩成一笑大江橫風雪滿天頻舉酒

乙丑新正將返陽羨留別江北諸親友四首

行年七九尙飄蓬一笑人間萬事空
蘇子田園棄陽羨杜陵茅屋破秋風
三軍渴易望梅止數口饑難盡餅充
爲計還山吾有壻

于漢卿

歸帆指日過江東

海濱避地四年餘日坐南窗課子書
春草夢遙勞蛺蝶秋風游倦憶鱸魚
攻愁曾把騷壇建排悶常逃佛海居
江左妖氛銷已盡天涯羈客樂何如

狼山雉水賣魚灣一葉輕舟往復還
紅粉徵詩添逸興白衣送酒解愁顏
狂瀾已幸過千頃廣廈何緣見萬間
席地幕天吾亦樂全家可望守墳山

滿天風雪滿河冰水陸舟車那可乘
怕耐奇寒嗟老瘦

難忘厚意感親朋
輸飽巢屋脚泥燕
羨煞打包行脚僧
異日重來無別事
五山攜手快同登

甲子冬底漢卿來書約遊維揚爲籌還山計詩以酬之

多情空谷白駒維
那忍舅錫話別離
三徑重開陽羨里
一篇須誦道州詩
爲籌孟浩還山計
不使楊朱泣路歧
三復來書神已往
關河阻絕鬢添絲

次韻奉和蘭溪開士五十述懷之作

方外知音遇子期
禪堂相對快論詩
年華似水憑他逝
氣味如蘭令我思
筆掃千軍多定力
才同五色爛摩尼

浮生半百剛初度正法堪爲後世師
羣鷗日日喜相親杜老襟懷問此人儒雅風流開後進
聰明冰雪證前因去來今覺三更夢書畫詩留萬古春
愿劫不磨無量壽須知仙骨是君身

憐才好客意何窮雲薄人情一掃空抱樸歸真終不辱
趨時諸俗恐難工思親佳節清明近望弟成人感慨同
老我天涯歸未得白頭愁對夕陽紅

清濁無煩辨聖賢且謀一醉當逃禪登臨尙鼓溪山興
吟弄猶擔風月肩萬劫磨人成底事三乘度我有深緣
如何雉水停孤棹特爲推敲訪渡仙

宜興和豐橋喜晤裴玉山茂才

同翫岬山月經今十二秋故鄉重握手往事怕回頭縱
把一樽酒難消萬古愁淮西烽火起草莽又增憂

詩友晨星散何人識老顛幸留玉山朗來照米家船賈
月虹猶在追風驥可憐休頽千里志何用問青天

戴埠喜晤席子書

兆麟

用其題劫餘吟稿詩韻作

詩贈之

訪舊多爲鬼同誰話暖寒詩人邂逅遇相許披心肝在
沼魚空躍營巢鳥未安牢騷容我寫不放墨池乾

次韻和席子書遣懷之作

誰把牢騷論劣優屈原詞賦總千秋君來吟社定稱伯
我入醉鄉應可候遇難那能忘坎坷著書本是爲窮愁
家山歷亂休回首瀨水清漣且倚樓

四月初九日葉君蓮舫邀同芮君蒼園四弟少由
游千華寺卽用蓮舫見贈韻題壁

不期相遇暮春時燕語呢喃索賦詩約我千華同訪寺
羨君雙鬢未成絲塵容徒惹青山笑故態還如白蝶癡
結習深於舍利弗滿身花著恐難支

入山圖歌爲席子書作

洞庭山人席子書賦性澹泊勤三餘畫梅自寫橫斜影

我有小潯姪吾家千里駒因事以順心挂冠歸里閭六
載不相見音問亦久疏一紙忽飛來病眼看模糊久別
長相思一字一淚珠浩劫不可逃看囊錢久無向平願
未了婚嫁如迫逋廚中報無米篋中探無襦南窗堪寄
傲忍飢怨妻孥貧仕古亦有困復奔宦途北山任移文
折腰五斗儲亦可撫孤松自酌而引壺舊吏爲新吏新
謨仍舊謨民其如子來太平同歡娛考績晉官階遷爲
上大夫霖雨潤蒼生慈雲蔭江湖汝叔今老矣遇難膽
猶麤入火旣不焚入水焉得濡墜樓身無恙罵賊心尤
愉入坎復出坎吟詩名劫餘亂後得劫餘吟詩八卷詞三卷世界空一

花志願依團蒲他年來訪叔約在干華居

溧陽戴埠山中干華寺離

先大夫墓十五里幽僻可愛願隱居之

乙丑春來陽羨料理田宅得與少由四弟同舟月

餘暢談晨夕樂矣詩以勗之

兄弟流離有六年今春聚首自欣然連床同聽幾風雨
長物惟存一硯田筆掃青山來入畫志如鴻鵠欲摩天
丈夫事業期千載努力前程快着鞭

贈楊堯門

翼亮

亂後忻相見都如再世人浮萍風作合禊事迹成陳朗
抱照今古高歌悲鬼神漏湖尙無恙好結老漁鄰

國計民生事調和鼎鼐當江湖無建白草莽有飛黃城
內少鷄犬山中多虎狼且乘舟一葉與子共徜徉

喜晤俞星文表弟

不見二十載相逢笑白頭家園罷西望

表弟家西園

花事付

東流

表弟善栽花卉

世界已如此兵戈猶未休陶朱如可學同

作五湖游

滄桑經眼底花月侑尊前舊事尋成夢新醅飲得仙間
談消永晝歸老是前緣待築菟裘竟相邀伴醉顛

偶成

故國歸來晚湖山興更濃千花飄一瞥衆岫逐孤筇嘲

嘶有村笛蕭條無寺鐘醉吟了殘夢生計問漁童

乙丑五月十六日同星文重游岬山蕩作歌

昔年載酒岬山游邀朋翫月吟高秋今年重泛岬山蕩
山色波光迎雨霰風景依稀似昔年忠祠禪寺化烽烟
傷心舊雨埋荒草極目斜陽紅遠天捨舟登陸尋詩去
斷碣殘碑礙行路紫芝伴我破清寥望盧敖兮渺何處
待品珊
不至

庚申之變盧君品珊於劫灰中拾得先大夫雙谿
草堂鑒賞書畫印一方知余來宜過訪還印感
不去心作九言詩以酬之

雙谿草堂鑒賞書畫印先子生平手澤之所存庚申四月賊犯荆谿境草堂遺物如葉落紛紛此時此印何能逃浩劫料得維持守護煩鬼神盧君品珊今之有心者得印寶貴不啻連城珍甲子官軍收復江左後漁郎重入桃源來問津雙谿草堂無恙眞天幸圖書金石散失且休論重游岬山徘徊不能去盧君還印盛舉傳希聞捧印細觀知是先人物珠還璧返令我感銘心閱過滄桑空留一片石霜淒露愴不覺淚沾巾

岬山贈盧品珊卽用其贈于生香軍門韻

天開圖畫岬山蕩閱過滄桑今又來笑我歸家仍是客

主集言卷一 夢象三
羨君無事便持杯未還酒債還詩債不上麟臺上鳳臺
身世都如蝴蝶夢合師莊叟不才才

品珊出眎盧忠肅公手書軍中七夕歌真蹟立軸
敬題一律以志欣幸此書余曾刻入寶稊室帖

第二集中

方橋小泊廬生到眎我軍中七夕歌報國精忠懸日月
感時吟詠重山河昔年摹勒公同好真蹟流傳幸不磨
怪底連宵虹貫月祕藏墨寶在巖阿

舟出大浦泛太湖作

太湖三萬六千頃七十二峯青送來天地空明小舟納

心胸抑鬱頓時開風波似亂因誰起歲月如流不我回
莫恠東坡願歸老此間無處着塵埃

次韻和楊堯門時雨偶成之作

視作良田筆作耕三時宜雨亦宜晴
一飛天警鶴聲人得知心堪不恨僧貪行脚欲何營
銅官玉女催歸老快築詩壇按酒兵

閏五月九日舟泊丹徒夢中得豈無塵世更生人
自有人間不死藥二句醒後足成之

癡兒何必憂蠻觸功臣早盡凌烟閣豈無塵世更生人
自有人間不死藥此藥不在蓬萊山此人尙插塵中脚

盧生富貴一生休
夢醒黃梁猶未熟
百年歲月能幾何
快入名山尋極樂

堯門和泛太湖詩再用前韻答之

圖書金石千秋業
湖海名流萬里來
詩興尙緣高士起
酒懷惟對好山開
鴻因謀食飛還叫
燕爲營巢去復回
他日邀君同泛棹
烟波深處避囂埃

丹徒坐雨憶故人作

子堅去世問樵死

楊子堅詩人嚴問樵太史

我獨丹徒來泊舟
六十

三年牛馬走百千萬
劫鬼神愁悲風旋壘
能無恨疎雨敲篷苦
不休亂到江南人迹
少茫茫何處築菟裘

京口舟次接得漢卿書作詩酬之

一別又三月音書纔一通功名勞汗馬心迹感秋蓬
家寄二分月身餘兩袖風書生游已倦小坐借鶯籠

湖海論交久今成春夢婆年衰逢浩劫事去發悲歌之

子詩無敵騷壇名不磨還山爲我計盛意到雞窠

漢卿和余

歲暮書懷詩云萬事蹉跎爲翁補追隨杖履到雞窠盛意如此令人感不去心故并及之

我倚雙谿棹空餘一草堂相如家四壁杜老淚千行金

石圖書燼田園邱隴荒可憐兵燹後隔宿竟無糧

絕處逢生路和橋賸市廛誅茅聊作瓦截竹便爲椽不

慕金裝屋惟求石補天功成利三倍薪水有源泉

登北固山

昔年游北固詩酒聚賓朋絕頂亭非舊周圍堞更增紅
巾烽捲去白首杖扶登極目江天暮滄桑感不勝

晚泊京江見聞感作

江山風月尙依然樓觀耿耿化暮烟魑魅豺狼爭踞地
蜃樓海市欲凌天鄰舟商婦歌何怨深夜漁翁歎不眠
放眼乾坤多變態白衣蒼狗總堪憐

題片帆歸去圖爲李君作

君家吳興城我家陽羨里相去路幾何朝發夕可抵浩
劫遺無端千村盡荆杞城野闕無人故舊多爲鬼我自

賊中出全家棲石渚君從何處至一舸泊雒水想早居
蟪山幸未履虎尾去年妖祲銷孰不思桑梓長歌歸去
來片帆疾如駛同是圖中人神交從此始